



**Pele Broberg, Partii Naleraq sinnerlugu Inatsisartunut ilaasortaq  
/Maani**

**Oqaatsitigut piginnaasat pillugit § 37 naapertorlugu apeqqut nr. 120/2019-imut  
akissut**

Ulloq: 06-03-2019  
Suliaq nr. 2019 - 5679

Asasara Pele Broberg

Oqaatsitigut piginnaasat pillugit Inatsisartut suleriaasianni § 37, imm. 1 naapertorlugu apeqqummik nassiussaqarputit. Apeqqutit uannut akineqartussanngorlugit innersuunneqarput. Apeqqutit matuma kinguliani issuarneqarlutillu ataasiakkaarlugit akissuteqarfigineqarput.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

**1. Naalakkersuisut departementschefimut inuttassarsiuussinermi  
namminneerlutik atorfinitsisinnermut kaajallaasitartik 1. oktober 2017-  
imeersoq naapertorlugu § 2 aamma § 9, oqaatsitigut piginnaasat  
ilanngullugit atorfinittussamut nalilersuinnerminni ilannguttarpaat?**

Oqaatigineqassaaq apeqqut 1-ip danskisuaa issuarneqartoq nassiunneqartumut sanilliullugu allanngortinneqarmat apeqqutip kalaallisut allassimaneranut naapertuuttunngortillugu.

**Akissut:**

Naalakkersuisoqarfimmi pisortaq suliatigut aqutsinikkullu piginnaasami saniatigut nunatsinni inuiaqatigiinnik, kulturimi kalaallillu oqaasiinik ilisimasaqassasoq piumasaqaataasoq atorfimmi inuttassarsioqartumi oqaatigineqarpoq.

Atorfiup pineqartup inuttalerneqamissaa, tamanna pillugu naliliisartutut ataatsimiititaliamit inassuteqaat tunngavigalugu Naalakkersuisunit aalajangerneqassaaq.

Aamma atorfik inuttassarsioqartoq pineqartoq pillugu oqaaseqaatiga innersuussutigaa. Taanna Naalakkersuisut nittartagaanni iserfissani matuma kinguliani allassimasuni takuneqarsinnaavoq:

Kalaallisut:

[https://naalakkersuisut.gl/kl-GL/Naalakkersuisut/Pisut/2019/02/2702\\_stillingsopslag](https://naalakkersuisut.gl/kl-GL/Naalakkersuisut/Pisut/2019/02/2702_stillingsopslag)

Danskisut:

[https://naalakkersuisut.gl/da/Naalakkersuisut/Nyheder/2019/02/2702\\_stillingsopslag](https://naalakkersuisut.gl/da/Naalakkersuisut/Nyheder/2019/02/2702_stillingsopslag)

**2. Naalakkersuisut isumaqarpat Namminersorlutik Oqartussat iluani  
inuttassarsiuussinermi ersarissumik paatsuugassaanngitsumillu  
allaqqasumi aammalu ataasiaannanngitsumik**

**tikkuartorneqaqattaarsimasumi oqaatsitigut piginnaasat, kiisalu kalaallit kulturiannik aamma inuiaqatigiit inissisimanerannik ilisimasaqarnissamik piunasaqaateqartoqartoq soorlu selskabet assigalugit ingerlatsivinni?**

Akissut:

Pisortani sulisussarsiortarnermi qinnuteqartut kalaallisut oqaatsitigut piginnaasat aammalu kalaallit kulturiannik inuiaqatigiillu inissisimanerannik ilisimasaqarnissaasa isiginiameqarnissaat pingaaruteqartoq atorfinitsitsisameq pillugu kaajallaasitami allassimasut malillugit Naalackersuisut isumaqarput.

Apeqquut 1-imut akissut aamma innersuussutigineqarpoq.

**3. Quppernermi atorfiup inuttassarsiornerani – kingusinnerpaamik qinnuteqarfissap ullulerneranerani 12. marts 2019 Naalackersuisut siulittaasoqarfiata Departementschefissarsiornerani atorfinitsitsinermut kaajallaasitaq 1. oktober 2017-imeersoq § 2 aamma § 9 malillugu allaqqasoqanngimmat, uani piunasaqaataalluni paatsuugassaannngitsumik oqaatsitigut piginnaasaqartuussasoq, tamanna Naalackersuisut malittarisassanik malinninngitsoq allannortinniarneqarpa?**

Akissut:

Qinnuteqartut kalaallit oqaasiinik piginnaasaqarnissaannik aammalu kalaallit kulturiannik inuiaqatigiillu inissisimanerannik ilisimasaqarnissaannik piunasaqaatit eqqarsaatigalugit atorfik inuttassarsiorneqartoq atorfinitsitsisameq pillugu kaajallaasitami piunasaqaatit naapertorlugit apeqquuteqartup isumaa malillugu ilusilerneqarsimanngitsoq apeqqutigineqartumi allassimavoq.

Taama isumaqarneq eqqunngilaq, takuuk apeqquut 1-imut akissutigisara.

Tamanna tunngavigalugu paasissutissiisutiginnaavara atorfik inuttassarsiugaq pillugu pisortatigoortumik saqqummiussaq allannortinniarneqanngimmat.

**4. Naalackersuisut atorfinitsitsisarnermut kaajallaasitaq 1. oktober 2017-imeersoq allannortinniarlugu pilersaaruteqarpat? Allannortitsisoqassappat, allannortitsisoqassanngikkaluarpalluunniit tamatumunnga tunngavilersuutitalimmik Naalackersuisut itisiliiffigeqquneqarpoq.**

Akissut:

Atorfinitsitsisameq pillugu kaajallaasitaq 1. oktober 2017-imeersoq allannortinneqassanersoq Naalackersuisunit isummerfigineqanngilaq.

Aamma apeqquut 1-imut akissut innersuussutigineqarpoq.

**5. Naalackersuisut qanoq isumaqarpat qanorlu kinguneqartitsissappat departement-ip imaluunniit tamassumap ataatungaani inissimasoq inuttassarsiussinermi allakkiaq inatsisitigut malinneqanngitsoq saqqummiukkalaruniuk?**

**Una nalinginnaasumik apeqqutaammat Naalakkersuisut piunaffigineqarput sakkukinnerpaamik kiisalu sakkortunerpaamik kinguneqartitsissagunik saqqummiusseqqullugit.**

Akissut:

Apeqquut uppersaatissaqanngitsumik tunngavilik pineqarpoq. Atorfik inuttassarsiorneqartoq akissutigisanni allassimasutut malittarisassat atuuttut naapertorlugit suliarineqarpoq. Apeqquutit uppersaatissaqanngitsut taamaattut pisortanit iliuuseqarfigineqartussatut isigineqarsinnaanngitsut isumaqarpunga. Taamaattumillu apeqquummut uppersaatissaqanngitsumut taamaattumut akissuteqamissaq apeqquutip Inatsisartut suleriaasianni § 37 naapertorlugu apeqquutigineqartut akissuteqarfigineqamissaanut tunngavigisassat avataaniippoq.

Ataatsimut isigalugu paasissutissiissutigineqarsinnaavoq kaajallaasitaq sulisunut suliassamut atatillugu naalakkiutitut isigineqarmat. Kaajallaasitap pineqartup unioqqutinneqameratigut kingunerisinnaasat kaajallaasitat sulinermiluunniit naalakkiutitik allanik unioqqutsitsisoqamerani atuutsinneqarsinnaasunit allaanerussuteqanngillat. Kaajallaasitamik unioqqutitsinermini kinguneqartitsisoqassappat unioqqutitsinerup suunera, sakkortussusia, suliassatut naalakkiutit imarisaa aammalu arlaleriarluni iliuuseqartoqarsimanersoq il. il. apeqquutaatinneqassapput.

Aamma apeqquut 1-imut akissut innersuussutigineqarpoq.

Apeqquutinut allanik oqaaseqaatissaqanngilanga.

Inussiamersumik inuulluaqqusillunga

  
Vittus Qujaukitsoq